

Aiairon : ionehrak8at ranon8ehon ne Ra8ennio, * aseken ak8a 8atatkenhronnihak8e.

Eso oni sakotenron nakisot okon kenha : * ne tiotkon sakoiatanonstaton, sakosenpo8anaton.

Sakos8enhon tenhnon ienaiehne iontatennakeraton : * ak8a sakoiatenton ienask8a iotonhon.

Sakokonnieston tenhnon teiontonnhakariask8e ; * aseken ne sakonon8es neh niieiatoten.

Tiotkon sakonon8ehon ne ron8a8ennarak8a : * senha tenhnon 8asakonon8ene, iken irehre akeiatsennonniaten karonhiake.

Iahtaonton aonsahonikonhrhen tsini sakorharatstenni nakisot okon kenha : * ra8en, enkhetenre, enkheiatas-katsten tsinen8e.

Ahon8asennaaien Roniha nok Roienha, * nok oni Rotkon Roiatatokenti.

Tsiniihtonne tiotierenton ethonaiohtonhake non8a, * tiotkon oni tsinen8e, ethonaia8en.

MAGNIFICAT KANESATAKEHA.

Rosennaiens ne Ra8ennio * n'akenikonhra.

Iahtiaiehe8e tsini 8akatsennonni, * ne tsini hakitenron ne sonk8askontakohe.

Rakiatarak8en, iah othenon te8akerihontak8e ; * ne 8ahonni onk8e eniontonseke tsinen8e, eniontonheke : Iotsennonni.

Sotsi seken iori8anehrak8atons tsini hakierase, * iah othenon tahonoron nok raonhaa tsini hosennatokenti.

Tiotkon tsinahe iakononteratiesk8e raotanitenrasera, * ne ron8atsanisk8e ak8ekon n'ontatien okonha.

Tokenske iah othenon tahonoron, * ok eken tahrehre nok sakohre8aton ienikonhranaiehne.